



ZAPISNIK O RADU 40. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 03.04.2023. GODINE

Broj: 01-GV-02-544/23
Sarajevo, 03.04.2023. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Dragan Stevanović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Vedad Deljković, predsjedavajući Kluba gradskih vijećnika Stranke demokratske akcije
6. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srdić“
7. Adi Škaljić, predsjedavajući Kluba gradskih vijećnika Naše stranke
8. Muamer Mekić, predsjedavajući Kluba gradskih vijećnika Socijaldemokratske partije BiH
9. Enisa Spahić, zamjenica predsjedavajuće Kluba gradskih vijećnica „Enisa Spahić-Amra Zulfikarpašić“
10. Bajro Biber, predsjedavajući Kluba gradskih vijećnika „USD-BOSS“
11. Elvedin Korora, predsjedavajući Kluba gradskih vijećnika „Korora/Skorupan“
12. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
13. Mila Eminović, sekretar Gradskog vijeća

Sjednici je prisustvovala Benjamina Karić, gradonačelnica Grada Sarajeva.

Sjednici je prisustvovala Sabina Hadžiahmetović, šef Odjeljenja za kabinetske poslove u Stručnoj službi za poslove kabineta i poslove Gradske uprave.

Sjednici su prisustvovali Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva i Amir Vrca, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 15.05 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jedonglasno, je usvojio** Zapisnik o radu 39. sjednice Kolegija Gradskog vijeća, održane 21.03.2023. godine.

Član Kolegija Vedad Derljaković je pristupio sjednici Kolegija u 15.09 sati.



Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** dnevni red 40. sjednice Kolegija Gradskog vijeća, tako da glasi:

1. Priprema za održavanje 27. sjednice Gradskog vijeća Grada Sarajeva
2. Tekuća pitanja

Ad 1)

Priprema za održavanje 27. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno je usvojio** sljedeći zaključak:

- 27. sjednica Gradskog vijeća će se održati u **srijedu 26.04.2023. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem najkasnije u **četvrtak 06.04.2023. godine do 12.00 sati**;
- Sjednice radnih tijela, u pripremi 27. sjednice Gradskog vijeća, održati će se **od ponedjeljka 10.04. do četvrtka 13.04.2023. godine**;
- Pozivi gradskim vijećnicima za 27. sjednicu Gradskog vijeća će se uputiti u **utorak 18.04.2023. godine**.

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Prijedlog Odluke o dodjeli u zakup poslovnih zgrada i prostorija Grada Sarajeva, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 27. sjednice Gradskog vijeća.

Informacija o realizaciji projekta sanacije zacjevljenog Bistričkog potoka, prema informaciji Gradonačelnice, **nije spremna** i neće biti uvrštena u prijedlog dnevnog reda 27. sjednice Gradskog vijeća.

Izvještaj o provođenju Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo u 2022. godini, prema informaciji Gradonačelnice, **je spreman** i očekuje se da će biti uvrštena u prijedlog dnevnog reda 27. sjednice Gradskog vijeća.

Nacrt Odluke o podizanju spomen-ploče Aidi Buturović, prema informaciji Gradonačelnice, **nije spreman** i neće biti uvršten u prijedlog dnevnog reda 27. sjednice Gradskog vijeća.

Informacija o implementaciji plana djelovanja za mlade, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 27. sjednice Gradskog vijeća.

c. Teme koje su bile planirane za razmatranje u mjesecu martu 2023. godine, a nisu realizovane

Informacija o procesu donošenja urbanističkog plana urbanog područja Sarajevo (Stari grad, Centar, Novo Sarajevo, Novi grad, Ilidža i Vogošća) do 2036. godine i obaveznoj primjeni mjera zaštite ventilacionih koridora, prema informaciji Gradonačelnice, **nije spremna** i neće biti uvrštena u prijedlog dnevnog reda 27. sjednice Gradskog vijeća.

Informacija o uspjehu učenika srednjih škola na području Grada Sarajeva u školskoj 2021./2022. godini, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 27. sjednice Gradskog vijeća.

Informacija o upisu učenika u srednje škole na području Grada Sarajeva u školskoj 2022./2023. godini, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 27. sjednice Gradskog vijeća.

Informacija o realizaciji projekta „Izrada glavnog projekta rekonstrukcije i adaptacije objekta bivše zgrade SDK kod Vječne vatre u Sarajevu“, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 27. sjednice Gradskog vijeća.

Tekst Nacrta Odluke o izmjeni Odluke o podizanju spomenika bosanskom kralju Tvrtku I Kotromaniću, prema informaciji Gradonačelnice, će biti dostavljen Komisiji za spomenike, kao ovlaštenom predlagачu, na razmatranje. Ukoliko Komisija za spomenike utvrdi Nacrta Odluke o izmjeni Odluke o podizanju spomenika bosanskom kralju Tvrtku I Kotromaniću isti će biti upućen na 27. sjednicu Gradskog vijeća.

d. Novi prijedlozi

Benamina Karić, gradonačelnica Grada Sarajeva je upoznala članove Kolegija da će za 27. sjednicu Gradskog vijeća predložiti i sljedeće materijale:

1. Informacija o izgradnji biciklističke staze na području općine Novo Sarajevo
2. Informacija o uknjižbi Grada Sarajeva kao vlasnika Vijećnice
3. Informacija o postupku naplate sredstava iz bankovne garancije po ugovoru o javnom dočeku Nove 2023. godine
4. Informacija o aktivnostima Grada Sarajeva na zaštiti sarajevskog ćevapa kao autohtonog domaćeg proizvoda

Član Kolegija Vedran Dodik pristupio je sjednici Kolegija u 15.16 sati.

U raspravi koja je vođena u vezi Informacije o uknjižbi Grada Sarajeva kao vlasnika Vijećnice učestvovala je **Mirela Džehverović, zamjenica predsjedavajućeg Gradskog vijeća**, a dodatna pojašnjenja dala je **Benamina Karić, gradonačelnica Grada Sarajeva**.

Dragan Stevanović, zamjenik Predsjedavajućeg Gradskog vijeća je predložio da Gradonačelnica za sjednicu Gradskog vijeća koja će se održati u mjesecu maju pripremi Prijedlog izmjena i dopuna Budžeta Grada Sarajeva za 2023. godinu sa planom utroška dodijeljenih kreditnih sredstava od strane Razvojne banke Federacije Bosne i Hercegovine, a u skladu sa Zaključkom sa 26. sjednice Gradskog vijeća održane dana 29.03.2023. godine.

U raspravi koja je vođena vezano za predlaganje utroška dodijeljenih kreditnih sredstava od strane Razvojne banke Federacije Bosne i Hercegovine učestvovali su članovi Kolegija **Seid Škaljić, Adi Škaljić i Benamina Karić, gradonačelnica Grada Sarajeva**. Rasprava nije rezultirala zaključcima.

Ad 2)

Tekuća pitanja

Jasmin Ademović, predsjedavajući Gradskog vijeća je upoznao članove Kolegija da je stigao poziv gradskim vijećnicima za otvaranje izložbe „Anur Mapa Art“ 08.04.2023. godine u 17.00 sati u galeriji Akademije likovih umjetnosti, a povodom dodjele priznanja Plaketa Grada Sarajeva Anuru Hadžiomerspahiću, posthumno.

Jasmin Ademović, predsjedavajući Gradskog vijeća je upoznao članove Kolegija da pripreme za organizaciju Svečane sjednice Gradskog vijeća teku prema planu, te su u toku

završne pripreme. Podsjetio je predsjedavajuće klubova gradskih vijećnika na večeru u 19.10 sati, kako bi već u 20.15 zauzeli svoja mjesta u holu Vijećnice radi tv prijenosa.

Jasmin Ademović, predsjedavajući Gradskog vijeća je upoznao članove Kolegija da su prijedlozi klubova gradskih vijećnika za dodjelu Zahvalnice Grada Sarajeva dostavljeni Gradonačelnici.

Član Kolegija Toni Vukadin pristupio je sjednici Kolegija u 15.25. sati.

Benamina Karić, gradonačelnica Grada Sarajeva je upoznala članove Kolegija sa prijedlozima klubova gradskih vijećnika za dodjelu Zahvalnice Grada Sarajeva te je zatražila podršku Kolegija za dodjelu istih.

Jasmin Ademović, predsjedavajući Gradskog vijeća je konstatovao da je Kolegij Gradskog vijeća dao podršku Gradonačelnici da predloženim kandidatima dodijeli Zahvalnice Grada Sarajeva.

Iz rasprave u kojoj su učestvovali članovi Kolegija Bajro Biber, Adi Škaljić i Dragan Stevanović, zamjenik Predsjedavajućeg Gradskog vijeća nisu proizašli prijedlozi za zaključivanje.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 15.35 sati.

SEKRETAR GRADSKOG VIJEĆA

Mila Eminović, s.r.

PREDSJEDAVAJUĆI GRADSKOG VIJEĆA

Jasmin Ademović, s.r.